



Factum

Pour frere Fleury de Morel Religieux de saint Denys
en France, demandeur & complaignant & tenant le
lieu & indult du sieur de Verdun President au Parlement
de Paris.

Contre Freres Eustache Viole & Marc Guerin aussi Reli-
gieux, deffendeurs & opposans.




A question resultant du procez se resolt en
deux points principaux: Le premier pour le re-
gard dudit Guerin resignataire du prieuré con-
tentieux, Assauoir si sa prouision est vallable, *qua*
nimirum stante le droict & tiltre des deux autres
competiteurs venans *per obitum* ne pourroit subsister. La secō-
de question subordinee entre les deux autres contendants par
mort, qui est le demandeur & ledit Viole lequel des deux est
preferable, ou le demandeur premier pourueu par le collateur
ordinaire, ou ledit Viole posterieur en collatiō, encores qu'il
fust anterieur en nomination nullement insinuee.

Quand à la premiere contētion du droict & tiltre dudit Gue-
rin resignataire, soustient le demandeur la collation faicte au-
dit resignataire le 23. Aurill'an 1600. n'estre aucunement val-
lable ny canonique par deux moyens peremptoires.

L'vn desdits moyens procedde *ex defectu potestatis* de celluy
qui a conferé, qui est le Conuent où ses Vicaires de l'Abbaye du
Bourg Deolz *sede Abbatiali vacante*, de laquelle Abbaye depēd

A



ledit Prioré controuersé: L'autre moyen de nullité dudit titre prouient *ex genere vacationis*, dudit benefice, n'ayant proprement vacqué *per cessum sed per decessum*, à cause de la fraude de ladite resignation.

Car pour le regard de la premiere nullité de la prouision dudit resignataire, il est tout notoire en droit, que tout ainsi que le Chappitre d'une Eglise cathedrale vacquant le siege Episcopal, ne succede pas au droit des collations volontaires appartenant à l'Euesque, comme il est noté *in cap. cum olim de maiori-tate & obedientia*, & *cap. 2. ne sede vacante*: Aussi le Conuent d'une Abbaye vaquante, ny les Vicaires dudit conuent, encores qu'ils succedent en l'administration telle qu'auoit l'Abbé, ils ne succedent aucunement en la puissance de conferer les benefices & membres dependans de l'Abbaye, *Clemen. ne in agro. § Abbate de statu monachorum. cap. 2. de restit. in integrum. cap. vn. de regularibus in 6. cap. cum dilectus de consuetudine*.

Aussi veritablement ledit Guerin resignataire demeure d'accord, que le Conuent ou ses Vicaires pendant la vacation du siege Abbatial n'ont point le droit des collations volontaires, ny d'admettre les resignations selon le droit commun: mais dit que c'est par priuilege special de ladicte Abbaye du Bourg Deolz, pour la preuue duquel il rapporte seulement vn Arrest dudit Conseil de l'an 1525.

Mais ledit Arrest ne fait à propos pour cest effet: car il parle bien veritablement d'un priuilege Apostolique special d'eslire vn Abbé audit Monastere vacquant, duquel priuilege, s'ayda lors ledit Conuent de Bourg Deolz contre le nommé par le Roy suyuant l'exception & reseruacion faite par les Concordats contre les nominations royales aux Abbayes *in §. per premissa de regia ad prelaturas nominatione in concordatis*. Et ainsi le Conseil par plusieurs semblables arrests a iugé pour les Conuents d'autres Abbayes ayans pareil priuilege special d'eslire leur Abbé contre les nominataires du Roy.

Mais cela n'a rien de commun avec le droit de conferer les benefices par le Cōuent pendant la vacation du siege Abba-

tial, duquel droict de conferer il n'est aucunement parlé ny traité par ledit arrest, ains seulement selon la forme du droict commun il est ordonné par icelluy, que pendant la vocation de ladite Abbaye ledit Conuent commettra deux Relligieux pour l'administration du spirituel, ce qui regarde la celebration du service divin & la discipline reguliere, tout ainsi que le Chapitre Episcopal *sede vacante* succede en l'administration du spirituel de l'Euesque, encores que le Roy succedant au réposel d'icelluy, par droict de Regalle confere les benefices, comme n'ayant ladite collation rien de commun avec le gouvernement du spirituel.

Par ains ledit arrest du Conseil ayant attribué audit Conuent le regime & gouvernement du spirituel de ladicte Abbaye, *nou minus non tribuit, sed quod erat de iure communi declarauit* par la raison de la loy, *sicut in versic. sed si queratur. ff. si seruitus vindicetur*: c'est assauoir que le Conuent succede en l'administration de l'Abbaye vacante *excepta collatione voluntaria beneficiorum*, tout ainsi que les Chapitres des Eglises cathedrales: Par consequent ledit Guerin resignataire qui n'a collation que des Vicaires dudit Conuent sur sa resignation son droict est nul.

Passant outre en ce qu'il voudroit dire que ledit benefice en tout cas, ayant vacqué par resignation *non debetur nominatis* à Regé, venants seulement par mort, suyuant la Pauline, tout ainsi que les graduez nommez suyuant le *s. volumus de collationibus in concordatis*, soustient au contraire ledit Morel ledit Prieuré n'auoir vacqué par resignation, ains par mort, *ex eo* que le resignant seroit decédé le iour mesmes ou le lendemain de ladite resignation admise, cōme il est rapporté par l'acte du 28. Auriel l'an 1600, produit par ledit Viole, contenant la declaration expresse des Vicaires dudit Conuent, qu'ils auoient pourueu dez le 24. dudit mois ledit Morel apes le decez dudit resignant, duquel routesfois ils cōfessent auoir seulement admis la resignation le iour precedent qui fut le 23. Auriel.

Partant veu si soudain le decez dudit resignant lors de la collation faicte audit Guerin son resignataire la fraude apparois-

fant contre le droict dudit Morel, *indultere dicitur beneficium vacasse per obitum*, & non par resignation, encores que la regle de Chancellerie Apostolique *de infirmis resignantibus* n'aye lieu *in ordinario*, Car cela a esté limité en faueur des nommez ayant insinué aux ordinaires, en fraude de l'exspectatiue desquels telle resignation faicte par vn moment est reputeee nulle, cōme dit *Rebuffus* sur le §. *volumus in verbo permutationis & in verbo vacantia*: par la raison de la Loy *filia mea egra ff. soluto matrimonio. & cap. si te prabendam, renuntiatione in 6.*

Mesmement pour monstrier d'abondant de la pure fraude de tous les actes dudit Guerin pretendu resignataire, il se treuve par vn acte produit par ledit Viole, qui est sa prise de possession d'une maison dependante dudit Prioré sise en la ville de Chastillon sur Yeure que ledit Guerin n'est que confidentiaire du Lieutenant general dudit Chastillon, ainsi que le locatif de ladite maison declare par ledit acte qu'il y demouroit sous le nō & autorité dudit Lieutenant: auquel partant vray semblablement ledit Religieux preste & accommode son nom.

Voilà quand à la production dudit Guerin, nonobstant laquelle & son tiltre de resignation comme nul demeure ledit Morel bien pourueu *per obitum* par les mesmes Vicaires dudit Conuent, recognoissant de bonne foy ledit Prioré auoir yaqué par effect, *per obitum & non per resignationem* de celluy qui proprement seroit decedé incontinent apres ladite resignatiō admise.

Quand audit Viole pourueu par mort les pieces concernans son tiltre le rendent inferieur de tout point audit Morel.

Car pour la conference des dattes de leurs prouisions, il se treuve que celle dudit Morel est du vingt & quatriesme iour d'Auril mil six cens, comme de faict ledit Conuent ou ses Vicaires *habuerunt ius collationis necessaria*, comme celle-cy, & quād audit Viole il ne leur fist sa requisition que le vingt & huictiesme dudit mois d'Auril, & sur le reffus il ne fust pourueu qu'en May ensuiuant, & sic ledit Morel, *prior tempore potior est iure cap. cum te de rescriptis cap. tibi qui gratiam de rescriptis in 6.*

Vray est, que ledit Viole se treuve le premier nommé par le Roy ou par Monsieur Viole son frere lors Conseiller en Parlement, indultéré de la Cour au parauant ledit Morel, ayant le droit de nomination de Monsieur le President de Verdun. Mais ledit Viole n'ayant fait insinuer comme il deuoit, *beneficiū non fuit affectum* pour son regard *neque ligata manus ordinarij* par faute de signification & insinuation vallable, suiuant le chap. *si soli & cap. si capitulo de concessione præbendæ in 6.*

Signamment *ut insinuatio mandati quæ dirigitur capitulo vel conuentui proficit & valeat*, il est requis d'assembler le Chapitre ou le conuēt *personum campanæ*, & ne suffist point d'insinuer au Doyen ou Chanoines particuliers, ny au Prieur ou quelques Religieux particuliers, ains est requis qu'ils soient assemblez en chapitre ou en conuēt, & capitulairement cōgregez pour entendre l'insinuation dudit mendat ou nomination, autrement ladite insinuation est nulle, & ne lie point la puissance dudit Chapitre ou conuent comme ordinaire collateur, selon la forme d'insinuer au chapitre prescrit par *Ioannes Andreas* sur le chap. *si capitulo in glosa super verbo facta*, & comme resoult en propres termes *Ruzeus* en son Traicté *De mandatis apostolicis part. 3.* Autāt en resoult *Rebuffus* pour les mandataires aussi bien que pour les graduez nommez. *In tractatu nominationum quæst. 14. num. 74. 75.*

Ce qui respond en passant à ce que ledit Viole a voulu dire que ladite forme solemnelle, d'assembler le Chapitre & conuent pour le fait de l'insinuation par les cōcordats, regarde seulement les Graduez nommez, & non pas les indulteres du Roy & de la Cour, car au contraire les textes & interpretes cy dessus cottez, parlent des mendataires lesquels mesmes par la Pauline sont preferez aux indulteres de la Cour, consequemment ne sont lesdits indulteres plus priuilegiez que lesdits nommez en la forme de l'insinuation de leurs indults & nominations.

Or par l'acte d'insinuation dudit Viole, il se treuve qu'il a seulement insinué à vn nommé de la Chassaigne comme Prieur claustral & œconome commis par le Roy au spirituel & temporel de ladite Abbaye de Deols, laquelle qualité d'œconome

ledit de la Chassaigne n'eust oncques & n'en est rien iustificié par ledit Viole, & quand à la qualité de Prieur claustral par ledit acte d'insinuation, il n'a pas esté mesmes requis d'assembler le Chapitre ou conuent pour luy faire entendre & insinuer ladite nomination, tant s'en faut que ladite insinuation aye esté faite en chapitre ou conuent, comme elle deuoit estre par la forme Canonique & solemnelle cy dessus rapportée, comme aussi de droit Canon, ce qui concerne le fait & interest d'un conuent ou College Ecclesiastique, il ne se peult traicter ny expedier sinon en plain conuent, *Et de Consilio vel consensu maioris & sanioris partis dudit conuent cap. cognoscitur de his que fiunt a Prelato.*

En consequence de quoy ledit Viole n'ayant point deüment insinué son indult & nomination audit chapitre ou conuent conuentuellement assemblé, il s'ensuit que ledit conuent n'a point eu les mains liées pour ne point conferer à autres, & par ainsi luy ou ses Vicaires ont vallablement conferé ledit Prioré venant à vacquer par mort audit Morel, comme ayant deüment insinué sa nomination audit conuent.

Est aussi à noter, que ledit Viole n'est pas seulement sans droit, mais mesmes n'est pas capable, quoy que se soit ne iustificiant point de ses capacitez sinon par des extraicts & copies non collationnées avec le demandeur, lesquelles partant ne peuvent faire aucune foy estant de necessité représenter les originaux.

Adiousté aussi le demandeur que ledit Viole par son silence, & par la reticence qu'il a fait de son droit & indult, n'ayant requis les benefices qui de son temps ont vacqué, & qui estoient de la qualité requise qu'il a perdu son droit, ou quoy que ce soit ayant laissé passer les occasions, il ne les peut recouurer au preiudice du demandeur ny reparer sa nonchallance, si ce n'est en s'adressant aux benefices mesmes qui ont vacqué, & desquels les pourueuz iouissent comme estans vacans par mort.

Et affin que ledit Viole ne pense ce fait, lequel est mis en auant & soutenu pour veritable par le demandeur (estre innocenté) pour iustification de son dire le demandeur nomme au-

dit Violen, non seulement vn, mais deux benefices lesquels consecutiuent ont vacqué, sçauoir est le Prieuré de sainte Seuer, duquel à present iouyst vn religieux de ladicte Abbaye de Deols, & duquel il fust pourueu des le deuxiesme du mois de Septembre, mil cinq cens quatre vingts & quinze, d'auantage le Prieuré de Voulhon duquel a esté pourueu vn autre Religieux dudit Deols nommé Gabriel de Launay, vacation en estant aduenüe au mois de Decembre, mil cinq cens quatre vingts & dixhuiet, lesquels benefices ledit Violen n'a ignoré estre vacans, & maintenant en estant deuëment aduertý, il les a deu & doit encores de present requerir sans inquieter le demandeur.



